


Dantza Izarren Galak puntako bederatzi dantzari bilduko ditu Arriaga antzokira

Lucia Lakarra zumaiarra ere ariko da Bilbon bihar eta etziko emanaldietan

Montse Arregi / Bilbo

Dantza klasikoa eta garaikidea uztartuko ditu bihar eta etzi Dantza Izarren Galak Bilbon, Arriaga antzokian. Nazioarteko konpainietan diharduten puntako bederatzi dantzarik hartuko dute parte hainbat koreografiatan; haien artean izango da Lucia Lakarra zumaiarra ere, zeina egun San Francisco Ballet taldean ari den. Boris Trailine da zuzendari artistikoa.

HAMAIIKA koreografia ikusteko parada izango da bihar eta etzi Bilbon, Arriaga antzokian. Dantza Izarren Galan egitarau askotarikoa eskainiko da, pieza klasikoak eta garaikideak tartekatuta. Bederatzi dantzari izango dira oholtza gainean, haien artean Lucia Lakarra zumaiarra.



XOUSE SIMAL

Boris Trailine zuzendari artistikoa, atzo, Bilboko Arriagan.

Lakarrak Victor Ullateren Baletarekin egin zuen nazioarterako jauzia, eta handik Roland Petiten konpainiara

igaro zen. Gaur egun San Francisco Ballet konpainian ari da. Bihar eta etziko galan Cyril Pierre izango du dan-

tza-lagun, Estatu Batuetako konpainian bezala. Haiekin batera, hauexek ariko dira dantzaldian: Marco Beriel,

Lienz Chang Kubako Balet Nazionaleko kidea; Maria Gimenez, Dimitri Gruzdyev eta Tamara Rojo, English National Balleteko dantzariak; Goyo Montero, Ballet Royal des Flandes konpainiakoa; eta Daniela Severian, Wiesbadengo Operako Baletakoa.

Ikuskizunaren zuzendari artistikoa Boris Trailine da. Hainbat urtetan lehen mailako dantzari izan ostean, gaur egun gazteak nazioartean ezagutarazten eta halako ikuskizunak antolatzen aritzen da.

Dantzaren panorama zabala

«Dantza erromantikoak, indartsuak, klasikoak eta garaikideak ikusi ahal izango dira; egungo dantzaren panorama zabalaren lagina, alegia», azaldu zuen Trailinek. «Egitarau orekatua» osatu dutela deritzo. Hamai-ka koreografiak atal bitan banatuta eskainiko dira. Haren ustez, «dantza eta janaria parekagarriak dira, publikoak dantza apurtxo bat gehiago ikusiko lukeela pentsatuz altxatu behar baitu besaulkitik. Betekadak ez dira onak».